



Sabtu, 05 Agustus 2023

Ogen : I Raja-raja 1:15-21



Penampat Perbulangen



Ia sekalak ndehara raja, si megermet ras mediate nandangi kecibal kerajaan. I bas paksa si e perbulangenna, raja Daud enggo seh tuana, Adonia anakna bas ndehara-ndeharana pe mulai ersura-sura ngerebut tahta kerajaan. Isusunna rencana si la ipebetehken man kalak sideban guna si e. Nabi Natan si ndatken berita kerna si e minter ipesehna man Betseyba, e maka minter ia lawes njumpai raja nungkun kejelasan kerna ise sinerusken kerna tahta kerajan. Si enda ilakoken erkiteken padan raja mbarenda maka anak sinipupus Betseba nge pagi jadi raja ngantiken Daud. Mehamat ia alu mungkuk i lebe-lebe raja, iturikenna me ukurna alu ertorosen si ngingetken raja kerna padan si ndube enggo ibelaskenna e me Salomo anak Betseba pagi si ngantiken raja Daud jadi raja. I bas kerina sibelasken Betseba enda me erbahanca raja nginget kerna padan e dengen minter ngelakokenca pe.

Perbahanen Betseba enda perlu iumban bas kegeluhen. Selaku ndehara ia mehamat man perbulangen dengen pentar i bas mpersingetisa. Iturikenna entah ipersingetina kai siniarus ilakoken perbulangenna i bas pendahinna. Tupung ietehna lit ancamen bas pendahin perbulangenna, ibahanna sada tindakan guna keselamatan perbulangenna. Perbahanen-perbahanenna e mpehaga perbulangenna dengen anak-anakna pe ndatken hakna.

Tanggal 05 Agustus iperingeti wari dharma wanita situjunna meningkatkan kualitas sumber daya anggota keluarga PNS segelah tersehi kesejahtraan nasional. Peran ndehara penting kel bas jabu, ndehara si pentar nelamatkan jabu ras maba kesejahraan nandangi kalak si enterem. Melala ancamen si jadi ku tengah-tengah jabu, subuk i bas pendahin perbulangen bage pe masa depan anak-anak; iperluken kel perannta sebage penampat segelah metenget ngoge situasi si lit dengen erbahan tindakan-tindakan guna keselamatan.

🔍 Dibalik keberhasilan suami ada istri yang bijak

